

精校

張

氏

醫

通

本經逢源卷四

上海錦章書局
出版

張氏醫通

全書十六冊
書套另計

原編者：（清）張石頑

出版者

商務印書館

上海（12）太倉路135號

印刷者

瑞文橡皮印刷廠

上海芝罘路30弄6號

經售者

上海圖書發行公司

上海山東中路128號

1955年5月重版

1955年5月第一次印刷

印數 0001—1500

定價 陸元叁角肆分

本經逢原卷四

長洲石頑張 路路王父纂述

蟲部

蜂蜜 甘平無毒。入調補藥用白蜜。瀉火藥用赤蜜。味酸者不堪入藥。不可與王蠱同食。葛司食。令人不利。凡煉蜜。炭火慢煉。掠去浮沫。至滴水成珠。為度。煉成每斤入陳酒四兩。再熬沸。和藥為丸。則藥力易化。本經主心腹邪氣。諸驚癇瘥。安五藏。補不足。益氣。補中。止痛解毒。除眾病。和百藥。久服強志。輕身。延年。不老。發明 蜂采蜜。花醞釀而成。生則性涼。清熱。故能治心腹之邪氣。熟則性溫。補中。安五藏。諸不足。甘而和平。故能解毒。柔而潤澤。故能潤燥。緩以去急。故能主心腹肌肉瘡瘍之痛。仲景治陽明結燥。大便不通。用蜜煎導法。取其能通結燥而不傷腸胃也。凡滋補藥。俱用煉白蜜。丸取其和脾潤肺也。赤蜜味酸。食之令人心煩。惟降火藥用之。白蜜雖補脾肺。然性涼潤。脾胃不實。腎氣虛滑。及濕熱痰滯。胸痞不寬者。咸須忌之。故瓊玉膏用糖霜。枳朮丸用荷葉裹飯。佐金丸用米飲。牛黃丸用蒸餅。黑錫丹用酒釀。慈珠丸用神麴。虎潛丸用酒。香連丸用醋。茸珠丹用紅棗。滾痰丸用水泛。各有所宜。今人修製丸劑。緊用蜂蜜。殊失先哲用方之義。

蜜蠟 淡平無毒。本經主下痢膿血。補中。續絕傷。金瘡。益氣。不饑耐老。發明 蜜成於蠟。萬物之至味。莫甘於蜜。莫淡於蠟。得非厚此薄彼耶。仲景治痢有調氣飲。千金治痢有膠蠟湯。蓋有見於本經之義也。淡為五味之本。胃為五藏之源。故能補中續傷。蓋有得於太極也。甄權治孕婦胎動。下血不絕。欲死。以雞子大一枚。煎三五沸。投美酒半升。服立瘥。又能解毒。故蠟蜜丸用之為君。華陀治下痢。食入即吐。用白蠟方寸匙。雞子黃一枚。石蜜苦酒。髮灰黃連末。各半雞子殼。先煎蜜蠟。苦酒雞子四味令勻。乃納連末髮灰。熱至可丸。乃止。二日服盡神效。

露蜂房 苦鹹平有毒。本經主驚癇瘥。寒熱邪氣。蠱毒腸痔。以其能祛滌痰垢也。瘡瘍蠱痛。及他病用之者。皆取其以毒攻毒殺蟲之功耳。本經治驚癇癰瘡。寒熱邪氣。蠱毒腸痔。以其能祛滌痰垢也。瘡瘍蠱痛。及他病用之者。皆取其以毒攻毒殺蟲之功耳。

蠟 一名果蠟。辛平小毒。本經治久聾。殺逆毒氣。出刺出汗。發明 詩言螟蛉有子。蜾蠃負之。言細腰之蜂。蠟一名果蠟也。辛平小毒。本經治久聾。殺逆毒氣。出刺出汗。發明 詩言螟蛉有子。蜾蠃負之。言細腰之蜂。

取青蟲之子。教祝變化成子也。大明治嘔逆。生研能著竹木刺。卽本經出刺出汗。取其毒之銳。以出其刺也。

蟲白蠟 甘溫無毒。發明 蠟樹屬金。性專收斂。堅強之氣。其葉能治瘡腫。蟲食其葉而成。與桑螵蛸無異。為外科之要藥。取合散皮同入長肉膏中。神效。令人治下疳服之。未成卽消。已成卽斂。以半兩入鯽魚腹中煮食。治腸紅

神效。

紫釧卽紫草 甘鹹平小毒。發明 紫釧乃驢驘樹上蟻壤。聚其脂液而成。與蜂釀蜜無異。出真蠟為上。波斯次

之。古方治五藏邪氣。金瘡崩漏。破積血。生肌止痛。令人專治痘瘡。有活血起脹之功。無鹹寒作瀉之患。其功倍於紫草。故以紫草茸呼之。實非紫草同類也。

五倍子卽文蛤 苦酸鹹平無毒。產川蜀如菱角者佳。法釀過名百藥煎。每五倍末一斤。入桔梗甘草真茶各一兩。為

末。入哮喘二兩。拌和置糠中窖。待起如發麪狀卽成矣。作餅晒乾用。發明 川文蛤善收頑痰。解熱毒。黃昏致嗽。

乃火氣浮於肺中。不宜用涼藥。宜五倍五味斂而降之。若風寒外觸暴嗽。及肺火實盛者。禁用。以其專收而不能散

也。故痰飲內盛者。誤用則聚斂於中。往往令人脹閉而死。為未收脫肛及子腸墜下。百藥煎性浮。味帶餘甘。治上

焦痰嗽熱渴諸病。含嚙尤宜。暇過主下血。烏鬚髮消腫毒。斂金瘡。治喉痹口瘡。摻之便可進食也。

桑螵蛸 甘鹹平無毒。桑枝上螳螂子也。火炙黃用。本經主傷中疝瘕陰痿益精生子。女子月閉腰痛。通五淋利

小便水道。發明 桑螵蛸肝腎命門藥也。功專收澇。故男子虛損腎衰陽痿夢中失精遺濁白濁方多用之。本經

又言通五淋。利小便水道。蓋取以泄下焦虛滯也。桑螵蛸散治小便頻數如稠米泔。心神恍惚。瘦悴食少。得之。女勞

者。方用桑螵蛸遠志龍骨菖蒲人參茯苓當歸龜甲各一兩。卧時人參湯調下二錢。如無桑樹上者。以他樹上者。濃

煎桑白皮汁佐之。若陰虛多火人誤用。反助虛陽。多致洩赤墜痛。強中失精。不可不知。生研爛塗之。出箭鐵。

雀甕俗名蝥毛 甘平小毒。本經主寒熱結氣。蠱毒鬼疰。小兒驚癇。發明 雀甕蝥蛸殼也。其蟲夏生葉上。背

上有刺。螫人故名。載毛秋深葉盡欲老。口吐白沫。凝聚漸硬。在中成蛹如蠶。至夏羽化而出。其形有似蜻蜓而翅黑

稍潤。故子葉上而生。蝥蛸謂雀甕者。以雀好食其蛹也。入藥惟取石榴樹上者。連蛹炙焙用之。蘇頌曰。今醫家治小

兒驚癇。用雀甕子連蟲同白殭蠶全散各三枚。微炒搗末。煎麻黃湯調服一字。日三服。大效。藏器治小兒撮口。不得

飲乳但先勞曰傍見血以雀甕打破取汁塗之

原蠶蛾 鹹溫小毒。取未交雄蛾紙封焙乾拌椒蜜藏則不蛀。本經主心腹邪氣起陰痿益精氣強志生子好顏色補中輕身。發明 蠶之性稟淫火力專助陽其子在臘月中非以重鹽鹽透水漬曝乾則繭不能繅絲出子之後非桑不食。本經主心腹邪氣皆桑之餘力。猶蠶蠶之治風疾蠶繭之療癰腫蠶沙之去風濕耳其起陰痿益精氣強志生子即別錄之益精氣強陰道交精不倦亦能止精若合符節好顏色令人面色好之互辭補中輕身者以其善補真陽陽主輕捷故也詳參經旨洵為原蠶主治無疑奈何集本草者誤列樗雞之下致力正之

白殭蠶 鹹辛平無毒。色白者良入藥惟取直者為雄去黑口及絲炒用。本經主小兒驚癇夜啼去三蟲滅黑黚

令人面色好男子陰瘍病。發明 殭蠶蠶之病風者也功專祛風化痰得乎桑之力也。本經治驚癇取其散風痰

之力也去三蟲滅黑黚男子陰瘍取其滌除浸淫之濕三蟲亦濕熱之蠹也凡咽喉腫痛及喉痺用此下咽立愈其

治風痰結核頭風皮膚風疹丹毒作癢疳蝕金瘡疔腫風疾皆取散結化痰之義

蠶繭 甘溫無毒。發明 蠶繭治癰腫無頭燒灰酒服次日即破煮湯治消渴繅絲湯及絲綿煮汁功用相同

蠶退 甘平無毒即老蠶眠起所蛻皮入藥微炒用今以出過蠶之紙為馬明退非也。發明 蠶非桑葉不

生得東方水氣之全故能治風病血病而蛻治目中翳障較之蟬蛻更捷惜乎一時難覓

蠶沙 甘辛溫無毒微炒用。發明 蠶沙療風濕之專藥有人病風痺用此焙熟絹包熨之治爛弦風眼以麻油

浸蠶沙二三宿研末塗患處過宿即愈蠶沙置酒罈上泥好色清味美然惟晚者為良早蠶者不堪入藥以飼時火

烘故有毒也

九香蟲 鹹溫無毒。發明 九香蟲產貴州治膈腕滯氣脾腎虧損壯元陽攝生方烏龍丸用之

雪蠶 甘寒無毒。發明 雪蛆生峨眉山北積雪歷年不消其中生此大如瓢味極甘美故能解內熱渴疾

方物中之最益人者也

蜻蛉 蜻蛉一名赤者名赤辛。微寒無毒。發明 蜻蛉生水中而能暖水藏強陰蓄精而赤者性猶壯熱助陽藥用

之

此為試讀，需要完整PDF請訪問：www.ertongbook.co

樗雞即子 苦平有毒不可近目去翅足同糯米炒去米用 發明 樗雞厥陰經藥也能活血散血治目翳撥雲

膏中與芫青斑蝥同用亦是活血散結之義能通血閉行瘀血主瘰癧辟邪氣療犬傷治偏頭風用紅娘子青娘

子各七枚去翅足炒為末同葱莖搗塗痛處周時起泡去之孫一奎治血蠱用抵當丸以樗雞易水蛭三服血下脹

消形神自復與薛新甫治水腫椒仁丸中芫青不殊一走血而下瘀一走氣而破水皆峻劑也綱目以本經原蠶蛾

主治誤列於此今正之

芫青即青娘子 辛溫有毒去翅足同糯米炒去米用 發明 芫青居芫花上而色青故能泄毒攻積破血墮胎功同

斑蝥而毒尤猛芫花有毒故也其治瘋犬傷消目翳刮偏頭風塞耳聾皆取其毒銳也又治月閉水腫椒仁丸方用

之

斑蝥 辛鹹溫有毒去翅足同糯米炒熟或醋煮用之 本經主寒熱鬼疰蠱毒鼠瘻瘡疽蝕死肌破石癰 發明

斑蝥入獲得時尾後惡氣射出臭不可聞其性專走下竅利小便故本經言破石癰能攻實結而不能治虛秘不

過引藥行氣以毒攻毒而已但毒行小便必澀痛當以木通滑石導之其性猛毒力能墮胎虛者禁用瘋犬傷先於

患人頭上拔去血髮二三莖以斑蝥七枚去翅足炙黃同蟾蜍搗汁服之瘡口於無風處糊去惡血小便洗淨髮灰

敷之服後小便當有瘀毒泄出三四日後當有肉狗形三四十枚為盡如數少再服七枚若早服雖無狗形永不發

也

葛上亭長 辛溫有毒去翅足同糯米炒去米用 發明 亭長大毒善通淋及婦人經脈不通以五枚研末服三

分空心甘草湯下須臾臍腹急痛以黑豆煎湯服之即通此蟲五六月為亭長頭赤身黑七月斑蝥九月為地膽隨

時變化其毒可知

地膽 辛溫有毒同糯米炒去米用 本經主鬼疰寒熱鼠瘻惡瘡死肌破癥瘕墮胎 發明 地膽有毒而能攻

毒性專破結墮胎又能除鼻中息肉下石淋功同斑蝥力能上涌下泄 仲景治陰狐疝氣偏有大小時時上下者蜘蛛散主之

蜘蛛 微寒有毒其種類不一惟用懸網者入藥 發明 以其入肝性善循絲上下故取以治罨九上下之病別錄治大人小兒瘡疔又治乾霍亂服之能令人利其邪得以

下泄也搗汁塗蛇傷效

壁錢 無毒。發明 生壁間似蜘蛛而形扁其膜色白如錢故名治鼻衄及金瘡出血不止取蟲汁注鼻中及點瘡上同人中白等分燒研治疳又治喉痹。

蠟 辛平有毒被螫者以木碗合之即愈去毒及足用亦有獨用其尾者其功尤捷滾醋泡去鹹炒乾用。發明 蠟產於東方色青屬水治厥陰諸風掉眩及小兒胎驚發搐最為要藥左半身不遂口眼喎斜語言蹇澀手足抽掣瘧疾寒熱耳聾無聞疝氣帶下無不用之蠟尾膏治胎驚發搐用蠟梢二十一枚麝香少許屢效東垣治月事不調寒熱帶下有丁香柴胡湯方用羌活柴胡當歸生地丁香全蠟益取以散血分之風熱耳。

水蛭 鹹苦平有毒水蛭是小長色黃挑之易斷者勿誤用泥蛭頭圓身潤者服之令人眼中如生烟漸至枯損凡用水蛭曝乾猪油熬黑令研極細倘多不透雖為末經年得水猶活入腹尚能復生凡用須預先熬黑以少許置水中七日内不活者方可用之 本經逐惡血瘀血月閉破血瘕積聚無子利水道 發明 鹹走血苦勝血水蛭之鹹苦以除畜血乃肝經血分藥故能通肝經聚血攻一切惡血堅積本經言無子是言因血瘕積聚而無子也別錄云墮胎性劣可知昔人飲水誤食水蛭腹痛面黃飲泥漿水數碗乃得下蓋蛭性喜泥得土氣隨出或用牛羊熱血同猪脂飲亦下或以梅漿水多飲則蛭溶化而出也

蛆 苦寒無毒漂淨炙黃搗細末同糖霜食之 發明 蛆出糞中故能消積治小兒諸疳積滯取消積而不傷正氣也一法用大蠟蟻十數隻打死置罈內取糞蛆不拘多少河水清養三五日以食盡蠟蟻為度用麻布紮住罈口倒懸活水中令污穢淨取新瓦燒紅置蛆於上焙乾治小兒疳積腹大腳弱腎膜遮睛每服一二錢量兒大小服之無不驗者勿以其鄙而忽諸

狗虱 鹹溫無毒 發明 虱食狗血性熱而銳力能拔毒外出故治痘瘡倒靨色黑唇口冰冷之證以數枚搗細醋酒少許調服聞人規方也

蟻蟪 鹹微溫有毒 本經主惡血血瘀痺氣破折血在脇下堅滿通月閉目中淫膚青腎白膜 發明 蟻蟪穴土而居與蚯蚓不異故本經所治皆瘀血之證金匱治虛勞瘀血大黃虜蟲丸方用之取其去脇下堅滿也許學士

治筋急養血地黃丸中用之亦取其治血聚也取汁滴目去腎障散血止痛千金研末數小兒臍癰加猪脂調治小兒昏緊經驗方治疥癬腫痛肘後搗塗竹木刺蘇頌搗汁點喉痹得下即開臍器塗遊風丹疹又治夢芒入眼以蟻螯在目上隔布摩之芒著布上即出

桑蠹蟲 甘溫小毒色白帶黃而腹中無穢按之無水者為真若頭硬而腹中不淨者即雜樹內蠹也如一時難覓真者則以蠶毛殺蝦反存性代之 發明 桑蠹蟲食木柔能勝堅故治痘瘡毒盛白陷不能起發者用以絞汁和白酒釀服之即起但皮薄脚散及泄瀉畏食者服之每致駁裂而成不救不可不慎千金治崩中漏下赤白桑蠹燒灰溫酒服亦治胎漏下血效

桃蠹蟲 辛溫無毒 本經殺鬼邪惡不祥 發明 桃實中蟲食之令人美顏色與桃蠹不異其蟲屎能辟溫疫今不相染為末水服方寸匕

蚱蟬 鹹甘寒無毒 本經主小兒驚癇夜啼癩病寒熱 發明 蟬主產難下胎衣取其能蛻之義聖惠治小兒發癇有蚱蟬湯散九等方今人只知用蛻而不知用蟬也

蟬蛻 鹹甘寒無毒去翅足用 發明 蟬蛻去腎膜取其蛻義也治皮膚瘡瘍風熱破傷風者炒研一錢酒服神效痘後目昏羊肝湯服二錢則腎漸退更主痘瘡發癢若氣虛發癢又當禁服小兒夜啼取蟬蛻四十九枚去前截用後截為末分四服鈎藤湯服之即止驚啼加硃砂二字若用上截即復啼也小兒驚癇夜啼癩病寒熱並用蟬腹取其利竅通聲去風豁痰之義較蛻更提

蛻螂 鹹寒有毒去足火炙用勿置水中令人吐 本經主小兒驚癇癰癧腹脹寒熱大人癰疾狂癲 發明 蛻螂手足陽明足厥陰藥也本經等治總不離三經之證其治暴嘔吐食用二枚入生薑內罌以陳橘皮二錢同巴豆炒過去巴豆將蛻螂陳皮為末每服二分吹入喉中吐痰二三次即愈又治箭鏃入骨用巴豆微炒同蛻螂搗塗痛定心磨忍之待極癢不可忍乃撼動拔之又燒灰入冰片少許治大腸脫肛摻上托入搗丸塞下部引痔蟲出盡水瘡其蛻螂心貼疔瘡拔疔貼半日許血盡根出則愈然蛻螂最畏羊肉食之即發

天牛 甘溫小毒 發明 天牛乃木中蠹蟲所化楊樹中最多桑樹中獨勝長身如角故有天牛之名利齒善噬

是有噉桑之號其性最銳取治疔腫惡瘡出箭鏃竹本刺最捷與蜈蚣不殊一噉木而飛一穴土而出其穎脫之性則一如無噉桑他樹上者亦可焙乾為末蜜調傳之

蜈蚣 鹹寒小毒去翅足炒用 本經主產難出肉中刺去潰腫下噎噎解毒除惡瘡 發明 蜈蚣性善穴上故能治水腫自腰以前甚濕能止大小便自腰以後甚利能通大小便取以治水最効但其性急虛人戒之本經治難產者取其下半者湯服之則下也出肉刺潰癰腫惡瘡者生搗塗之肉刺即出瘡腫即潰也下噎噎者炙末吹之噎噎即下非噎膈之謂也千金治箭鏃入肉以蜈蚣杵汁滴上三五度自出延年方治胎衣不下以蜈蚣一枚水煮數沸灌下入喉即出小兒臍風蜈蚣甘草等分為末敷之効

螢火 即熠耀本經名夜光 辛溫無毒 本經明目 發明 螢火本腐草所化得大火之餘氣而成入胞絡三焦能辟邪明目取其照幽夜明之義務成子螢火丸辟五兵白刃虎狼蛇虺之毒惡鬼疫癘之邪麗安常亦極言其效惜乎世鮮備用

衣魚 即蠹魚 鹹溫無毒即衣帛書畫中之蠹碎之如銀有粉者是 本經主婦人疝瘕小便不利小兒中風項強背起摩之 發明 衣魚主中風項強摩之即安驚癇天吊口喎淋閉服之即愈皆手足太陽經病乃神農本經之藥古方盛用今人罕知合鷹屎白殭蠶敷瘡癰滅

鼠婦 本經名坤蟻即濕生蟲 酸鹹無毒 發明 金匱治久瘕龍甲煎丸中用之以其主寒熱去瘀積也古方治驚癇血病多用之厥陰血分藥也千金治產婦遺尿以鼠婦七枚熬研溫酒服之痘瘡倒靨為末酒服一字即起又解射干蜘蛛毒

蟄蟲 本經名地龍 鹹寒有毒或去足炒用或酒醉死去足搗汁用 本經主心腹寒熱酒酒血積癰瘕破堅下血閉 發明 蟄蟲伏土而善攻隙穴傷之不死與陵鯉不殊故能和傷損散陽明積血本經治心腹寒熱酒酒亦是積血所致金匱大黃蟄蟲丸用水蛭蟄蟲取其破堅癰下積血耳無實結者勿用跌撲重傷焙乾為末酒服二錢接骨神効

蝨蟲 即蝨 苦微寒有毒即蝨牛血蠅去翅足炒用 本經逐瘀血破血積堅痞癰瘕寒熱通利血脈九竅 發明

蝨食血而治血因其性而為用。肝經血分藥也。本經治癰疽寒熱是因癰疽而發寒熱與蜣螂治腹脹寒熱不殊。仲景抵當湯丸水蛭蠪雖當並用。二物之純險懸殊其治經閉用四物加蜣蠪作丸服甚良。以破瘀而不傷血也。苦走血血結不行者以苦攻之其性雖緩亦能墮胎。

蟾蜍 皮辛涼微毒肉甘平無毒捕取風乾泥固煨存性用其目赤嘴赤者有毒。○一種色青而生陂澤中者曰鼃與此不同。發明 蟾蜍土之精也。習土遁者賴之其形大而背多痲磊者是土性厚重其行極遲土生萬物亦能化萬物之毒故取以殺疔積治鼠瘻陰蝕疽癰燒灰傅惡瘡並效。弘景治溫病發斑困篤用以去腸生搗一二枚吸其汁無不瘳者。治獐犬傷先於頂心拔去血髮三四莖即以蟾蜍一二枚搗汁生食小便內見沫其毒即解。又破傷風用二枚生切如泥入椒一兩同酒炒熟入酒二盞乘熱飲之少頃通身汗出而愈。發背疔腫初起以活蟾一隻繫定放腫上半日蟾必昏憤即放水中以救其命再換一隻如前蟾必踉蹌再易一枚其蟾如舊則毒散矣其金蟾丸治腫脹腹滿并治小兒疳勞腹大脰細方用大蟾一隻以砂仁入腹令滿鹽泥固濟煨存性黑糖調服一二錢匕下盡青黃積糞即愈未盡過二三日再服以腹減熱除為度若糞不能灑注而滿淋不前者此元氣告匱不可救也。蟾酥 辛溫有毒。發明 蟾酥辛溫其性最烈凡用不過一分齒縫出血及牙疼以紙綴少許擦之即止。蟾酥丸治發背疔腫一切惡瘡拔取疔瘡最捷入外科有奪命之功然輕用能爛人肌肉。

蝦蟆 甘寒小毒。本經主邪氣破癰堅壅腫陰瘡服之不患熱病。發明 蟾蜍蝦蟆同類異種故其功用亦不甚相遠服之不患熱病即弘景治溫病發斑困篤之意時珍言古方多用蝦蟆近方多用蟾蜍蓋古人通稱蟾為蝦蟆而蝦蟆不復入藥矣。

鼃 作 甘寒無毒。發明 時珍曰鼃產於水與螺蚌同性故能解熱毒利水氣但係濕生之物其骨性復熱食

之小便苦淋妊娠食蛙令子壽夭小蛙多食令人尿閉臍下酸痛播車前水飲之可解戴厚禮云凡渾身水腫或單腹脹者以青蛙一二枚去皮炙熟食之則自消也嘉謨曰時行面赤項腫名蝦蟆瘟以金線蠹搗汁水調空腹頓飲極效。

蝌斗 發明 蝌斗生水中蝦蟆子也有尾如魚漸大則脚生尾脫因其所稟之毒未化故藏器取治火魘熱毒及

腫瘍瘡並搗碎傅之或化水塗之或配入敷藥中並效又得效方多用蛭斗陰乾待桑槌熟等分置瓶中密封懸屋東或搗汁浸埋東壁下百日化泥取塗鬚髮永黑如漆

蜈蚣 辛溫有毒火炙去足用 本經主鬼疰蟲毒噉諸蛇蟲魚毒殺鬼物老精除溫瘧去三蟲 發明 蓋行而疾者惟風與蛇蜈蚣能制蛇故亦能截風厥陰經藥也嶺南有蛇瘡頭大腫痛連喉用赤足蜈蚣二節研細水下即愈又破傷風欲死研末擦牙邊去涎沫立瘥本經言噉諸蛇蟲魚毒悉能解之萬金散治小兒急驚蜈蚣一條去足炙黃入硃砂輕粉乳汁為丸服少許即安雙金散治小兒天疳日久不下口噤反張蜈蚣一條酥炙去頭足入麝香為末以少許吹鼻至眼合乃止若眼未下再吹之小兒撮口刮破舌瘡蜈蚣末敷之千金治射工毒瘡蜈蚣炙黃為末敷之小兒禿瘡蜈蚣浸油搽之直指方治痔瘡疼痛蜈蚣炙末入片腦少許唾調敷之急救方治溫瘧洒酒時驚涼膈散加蜈蚣蠟尾服之摘要治婦人趾瘡甲內雞眼及惡肉突出蜈蚣一條去頭足焙研入麝香少許去硬蓋攤烏金紙留孔貼上一夕即效如有惡肉外以南星末醋和傅四圍其祛毒之功無出其右

蚯蚓

龍即地

鹹寒小毒白頸者良解熱毒入鹽化水用通經絡炙乾用 本經主蛇瘡去三蟲伏尸鬼疰蠱毒殺長

蟲 發明

蚯蚓在物應土德在星為軫水體雖卑伏而性善穴竄專殺蛇蠱三蟲伏尸諸毒解濕熱瘡黃疸利小便通經絡故活絡丸以之為君地龍湯治痘瘡脾虛熱嬌紅五六日漸變乾紫伏陷者同姜薤搗和酒釀服之即

起若乾紫色黯皮堅為肝脾血熱即宜犀角紫草黃連清解非地龍所宜溫病大熱狂妄天行大熱和人尿搗絞服之熱毒從小便而去也小便暴秘不通亦宜用之入葱化為水療暴聾

蝸牛

鹹寒小毒 發明 蝸牛生下濕地陰雨即出至陰類也治諸腫毒痔漏制蜈蚣蠟蠱諸毒研爛塗之

取其解熱消毒之功耳其形尖小而緣桑上者謂之緣桑蠶治大腸脫肛和豬脂塗之立縮此蠶諸木上皆有獨取桑上者正如桑螵蛸之義

龍蛇部

龍骨 甘平無毒粘舌色白者良服赤水飛用飛之不細粘著腸胃令人寒熱 本經主心腹鬼疰精物老魅效逆泄痢膿血女子漏下癰疽堅結小兒熱氣驚癇 發明 搗以可去脫龍骨入肝斂魂收斂浮越之氣本經主心腹

鬼疰精魅諸疾以其神靈能辟惡氣也其治效逆泄利膿血女子漏下取漕以固上下氣血也其性雖漕而能入肝破結癥瘕堅結皆肝經之血積也小兒熱氣驚癇亦肝經之病為牛黃以協濟之其祛邪伐肝之力尤捷許洪云牛黃惡龍骨而龍骨得牛黃更良有以制伏之也其性收陽中之陰而走足厥陰經兼入手足少陰治夜夢鬼交多夢紛紛多寐泄精衄血吐血胎漏腸風益腎鎮心為收斂精氣要藥有客邪則兼表藥用之故仲景治太陽證火劫亡陽驚狂有救逆湯火逆下之因燒針煩躁有桂枝甘草龍骨牡蠣湯少陽病誤下驚煩有柴胡龍骨牡蠣湯金匱治虛勞失精有桂枝加龍骨牡蠣湯千金方同遠志酒服治健忘心忪以二味蜜丸硃砂為衣治勞心夢泄梅師同桑螵蛸為末鹽湯服二錢治遺尿淋瀝又主帶脈為病故崩帶不止腹滿腰溶溶若坐水中止漕藥中加用之止陰瘧收濕氣治休復痢久痢脫肛生肌斂瘡皆用之但收漕太過非久痢虛脫者切勿妄投火盛失精者誤用多致溺赤漕痛精愈不能收攝矣

龍齒 漕平無毒煨赤醋淬七次水飛用形如筆架重數兩外光澤如甃碎之其理如石內如龍骨砥之粘舌者真亦有微黑而煨之色如翡翠者為蒼龍齒較白者更勝其小如笋尖或如指狀者海鰍齒及骨也叢生如貫眾根者海馬齒也砥之亦能粘舌世多以等類偽充不可不辯 本經主殺精物大人驚癇諸癇癲疾狂走心下結氣不能喘息小兒五驚十二癇 發明 龍者東方之神故骨與齒皆主肝病許叔微云肝藏魂能變化故遊魂不定者治之龍齒古方有遠志丸龍齒清魂散平補鎮心丸皆收攝肝氣之劑也又龍骨以白者為上取固上氣以攝下脫齒以蒼者為僂生則微黑煨之翡翠可愛較白者功用更捷產後血暈為要藥取其直入肝藏也予聞神龍蛻骨之說初未之信及從樂肆選覓龍齒見其骨有變化未全者半與牛骨無異始知宇宙之大無所不有即如蛇蟲之屬皆能蛻形化體豈特雲龍風虎而已哉龍稟東方純陽之氣故能興雲致雨東方木氣主乎生也其耳獨不司聽者陽神別走於角也春夏發現而秋冬潛伏者隨陽氣之鼓舞也虎稟西方陰暴之性故嘯則生風西方金令主乎殺也其項獨不能仰者陰威併振於尾也晝潛伏而宵奮迅者乘陰氣之暴虐也以是推之則虎骨能搜風氣健筋骨療疾重睛能定人魄魄者陰之精也龍骨能當精氣收神識止滑脫齒能清人魂魄者陽之神也然龍性飛騰而骨獨粘者正以其帶而欲蛻之始得飛冲御天非飛冲後而蛻其骨也觀本經驚癇癲疾結氣甄權鎮心安魂魄等治總

皆入肝斂魂用以療陽神之脫同氣相求之妙許叔微云肝藏魂能變化故魂遊不定者治之以龍齒時珍曰龍者東方之神故其骨與齒皆主肝病

龍角 甘平無毒 發明 龍稟東方木氣而角又督脈所發故治驚癇瘈瘲神魂不寧龍火上逆身熱如火及邪魅不詳深師五邪九用之而千金治心病有齒角同用者

鼈甲 本經名 鼈魚 酸微溫小毒 本經治心腹癰瘕伏堅積聚寒熱女子小腹陰中相引痛崩中下血五色及瘡疥死

肌 發明 本經鼈甲所主之證多屬厥陰其功在平肝木治血殺蟲與鼈相類亦能治陰瘡千金有鮑甲煎今藥肆多懸之云能辟蠱亦殺蟲之意

陵鯉甲 俗名穿山甲 鹹微寒小毒或酥炙或黃土或蛤粉炒發鬆研用尾甲更勝 發明 穿山甲入厥陰陽明及陰

陽二蹻通經下乳瘡疾癰腫發痘為要藥蓋其穴山而居寓水而食出陰入陽能竄經絡達於病所凡風濕冷痺之證因水濕所致渾身上下強直不能屈伸痛不可忍者於五積散內加穿山甲七片全蠍炒十個葱薑水煎熱服取汗避風甚良癰疽潰後不宜服

石龍子 鹹溫小毒綱目作鹹寒誤產平陽山谷荆襄等處其類有四一種生岩石間頭扁身長尾與身等長七八寸大者尺餘其狀如蛇而脚似梅花鱗目五色者為雄色黃身短者為雌此物最惜鱗甲故見人不動捕之亦不螫人以其生岩石間故本經謂之石龍子以其善於變易吞蠹吐膏有陰陽析易之義故字林謂之蜥蜴楚人名為蜥蜴實一物也入藥雌雄並用去頭足酒浸酥炙用之入傳屍藥醋炙用之一種生草澤間頭大尾短身粗其色青黃有傷則啣草自敷故謂之蛇醫母能入水與石斑魚合故又名水蜥蜴不入藥用一種生人家屋壁形小身細長三四寸色褐斑黑者謂之蜥蜴吳俗名為壁虎以其居壁而善捕蠹蠅也或云飼之以朱點宮城臂故名守宮一種似守宮而頭圓身細長五六寸色白如銀通身細鱗雌雄上下相應而鳴情恰乃交者蛤蚧也荆襄嶺澤皆有而西川產者最勝捕得成對線纏炙乾捲榕樹皮中者是也以此明辨方無誤用之失 發明 石龍子為本經中品而綱目主治中有別錄而無本經豈本經之文有所殘缺歟抑本經之文誤註別錄歟其治五癰邪結氣利小便水道破石淋下血者以蜥蜴能吐電祈雨故治癰淋利水道是其本性千金治癰結水腫屍疰留飲有蜥蜴丸外臺治陰積

方用之皆取其長於利水道耳。按蜥蜴即是石龍。今房術藥中用之。以其興發助陽。而無止澀之患也。

守宮一名蟪蛄 俗名壁虎 鹹寒小毒。發明 守宮食蠍蟄。蠍蟄乃治風要藥。詳守宮所治風症。驚癇諸病。猶蜈蚣之性能透經絡也。且入血分。故又治血病瘡瘍。以毒攻毒。皆取其尾善動之義。麻城移痘方。治痘出眼目。及正面稠密。用以移痘於不傷命處。其効最捷。觀術士以守宮尾杵為細末。彈熟肉上。其肉便翕翕蠕動。移痘方得。非從此悟出。陶弘景云。蜥蜴喜緣籬壁間。以殊飼之。滿三斤。研乾末。以塗婦人臂。有交接事便脫。故名守宮。蘇恭曰。飼殊點婦人臂。謬說也。張華言。必別有術。今不傳矣。時珍曰。守宮祛風。石龍利水。功用自別。不可不知。

蛤蚧 甘鹹溫小毒。生嶺南城垣榕樹間。及粵西橫州等處者。長七八寸。蜀中產者。不過五寸。頭圓肉滿。鱗小而厚。形似守宮。鳴則上下相呼。雌雄相應。情恰乃交。兩相抱負。自墮於地。人往捕之。亦不知覺。以手劈之。至死不開。取以曝乾。為房中要藥。即尋常捕得者。功用亦相髣髴。但驗其圓圖成對。捲榕樹皮中者。即真無疑。入藥去頭留尾。酥炙用之。口含少許。疾走不喘者。是其益氣之驗也。發明 蛤蚧味鹹歸腎。經性溫助命門。色白補肺氣。功兼人參羊

內之用。而治虛損痿弱。消渴喘嗽。肺痿吐沫等證。專取交合腎肺之氣。無以逾之。愚按蛤蚧龍子。性皆溫補助陽。而舉世藥肆中。皆混稱不分。醫者亦不辨混用。龍子則剖開如皮。身多赤斑。偏助壯火。陽事不振者宜之。蛤蚧則纏束成對。通身白鱗。專溫肺氣。氣虛喘乏者宜之。虛則補其母也。

蛇蛻 鹹甘平小毒。火熬用之。本經主小兒二十種驚癇。蛇癇癰疾。瘰癧。弄舌。搖頭。寒熱。腸痔。蠱毒。發明 蛇蛻屬巽走肝。故本經治小兒驚癇等病。一皆風毒襲於經中之象。其入藥有四義。一能辟惡。取其性靈也。故治邪辟鬼魅。蠱瘡諸疾。二能驅風。取其性靈也。故治驚癇癰癧。偏正頭風。喉舌諸疾。三能殺蟲。故治惡瘡痔漏疥癬諸疾。用其毒也。四有蛻義。故治眼目。醫膜胎衣不下。皮膚之疾。會意以從其類也。

蚺蛇膽蛇脚南 甘苦寒小毒。發明 蚺蛇產嶺南。稟己土之氣。其膽受甲乙風水。其味苦中有甘。所主皆厥陰太陰之病。其治心腹脹痛者。蟲在內攻噉也。下部腫瘡者。蟲在外侵蝕也。濕熱則生蟲。燥濕則殺蟲。內外施之。皆可取用。更能散腫消血。故直諫之臣。受廷杖者。臨服少許。則血不凝滯於內。又能明目涼血。除疳殺蟲。惜乎難得真者。

白花蛇 甘鹹溫有毒。產蘄州者良。禁犯鐵。凡用去頭尾。酒浸酥炙。炭火緩焙。去盡皮骨。此物甚毒。不可不防。脇有

方勝尾上有邪者真發明 蛇性竄能引藥至於風痰處故能治一切風病其風善行數變蛇亦善行數蛇所以能透骨搜風為大風白癰風風痺驚搐癰癩惡瘡要藥取其內走藏府外徹皮膚無處不到也陰虛血少內熱生風者非其所以凡服蛇酒藥切忌見風開罈時須避其氣免致面目浮腫凡癰風曾服過大楓子仁者服白花蛇無效為梢蛇 甘平無毒劍脊細尾者佳忌犯鐵器 發明 蛇性主風而黑色屬水故治諸風頑痺皮膚不仁風瘙癢疥癬熱毒眉鬚脫落瘡癤等瘡但白花蛇主肺藏之風為白癰風之專藥烏蛇主腎藏之風為紫雲風之專藥兩者主治懸殊而烏蛇則性善無毒耳

蝮蛇 肉大熱膽微寒並有毒 發明 諸蛇皆是邪主惟蝮蛇破母腹出惡毒尤烈故以蝮名其狀較諸蛇迥異形短而粗嘴尖鼻反故又名反鼻蛇有頭斑身赤如錦紋者有黃黑青黑而斑白者皆蝮蛇也有頭扁與土同色而無紋者土虺也亦名曰蛇字形相類之誤也時珍曰蝮大虺小其毒則一抱朴子言蛇類甚多惟虺中人甚急即時以刀割去瘡肉投之於地其熱如炙須臾毒盡人乃得活一種形如蜥蜴長一二尺者千歲蝮也年久腳生能跳上樹噉人噉已還樹垂頭聽人哭聲頭尾相類大如搗衣杵俗名望板歸言被其噉必死專望板歸以備殮具也蘇頌以細辛雄黃等分為末內瘡口中日易三四次又以枯薑根桂末著管中密塞勿令走氣佩之中其毒者急敷之野談翁方急以黃荆葉搗爛敷之上皆解救之法然有用其毒以攻急厄之毒者別錄取蝮蛇肉釀酒以療癰疾蝮蛇膽磨汁以塗惡瘡總取殺蟲攻毒之用耳竊謂攻毒急救之藥頗多奚必藉此而為異端之術哉姑存以備解救之法可也

魚部

鯉魚 甘平無毒其目能睨動者有毒藥中有天門冬者勿犯天門病後勿食 發明 魚性逆水而上動關翹尾其力最勞且目不夜瞑故釋氏雕木象形以警世之昏惰者鯉性跳躍急流故取以治水腫之病河間云鯉之治水鶩之利水因其氣相感也黃痺腳氣濕熱孕婦身腫宜之使血同白蠟煮食腦髓治耳卒聾齒治石淋膽治目赤腫痛取汁點之鱸治產婦帶血燒灰治吐血崩中十灰散中用之

鰻魚 本名鰻魚 鮠音澤 甘溫無毒 發明 鰻魚多蓄池中飼草而長與青鯉混雜故名曰鰻江湖亦皆有之食品之長

味也時珍言暖中和胃此指池中蓄者而言李廷飛言能發諸瘡此指湖中獲者而言各有至理膽味苦寒能出一切竹木刺在喉中以酒化二三枚溫呷取吐即出

青魚 肉甘平膽苦寒無毒 發明 東方色青入通於肝開竅於目故膽有點目治翳之功肉有補肝逐水之用同茱白煮食治脚氣痠腫目睛生汁注眼能黑夜視物以其好噉螺蛳螺蛳能明目也乾青魚膽水磨點喉痺痔瘡與熊膽同功

鯉魚 林名 甘溫無毒 發明 池魚大都無毒兼此魚恒食諸魚之遺其毒雖少不無助長濕熱之虞有皂白二種皂者頭大白者腹腹雖食品之下而有溫中益氣之功與鯽魚無異也

潤口魚 林名 甘溫無毒 發明 鮑生海中與石首同類以之剖腹曝乾亦與石首作養無異以其頷下有骨撐開故有潤之稱能開胃進食下膀胱水氣病人食之無發毒之慮食品中之有益者也

鰱魚 古名 甘溫無毒 發明 鰱魚縮項性不喜動嚴冬喜息土中故食之能調胃氣而無動風發熱之慮與白魚之性相仿但無利水之功耳

白魚 甘平無毒 發明 白魚入肺利水開胃下氣金匱治淋病小便不利滑石白魚散用之取其佐滑石以利氣兼亂髮以破血血氣通調而淋瀝止矣同稟食之令人腰痛以其滲泄脾腎也

石首魚 俗名 甘平無毒乾者名白鰲 發明 石首魚生鹹水中而味至淡故諸病食之無助火之虞與河豚之性稟陰毒迥殊腦中石魷主石淋腦骨為末入有甞壺中薰腦漏然惟暴患得效痢疾切忌油膩惟白養食之最宜

鰾膠 鹹平無毒凡用入丸切作小塊蛤粉炒成珠方可磨末煉蜜調劑須待涼用又不可搗搗則粘韌難為丸矣 發明 諸魚之鰾皆可為膠而石首魚者膠物甚固故當精方用之合沙苑蒺藜名聚精丸為固精要藥丹方又以一味炒研砂糖調日服一錢心治痔最良經久痔自枯落燒灰治產後風搖破傷風癰取其滋榮經脈而虛風自息也

勒魚 甘平無毒 發明 勒魚腹下有骨勒人因以得名以其甘溫開胃有宜於老人之說作養尤良脊骨治瘧以一寸入七寶飲酒水各半煎露一宿服之

鮓魚 甘溫無毒。發明 鮓魚性補。溫中益虛。而無發毒之慮。其生江中者。大而色青。味極甘美。生海中者。小而色赤。味亦稍薄。觀其暗室生光。迥非常魚。可比其鱗。用香油熬塗湯火傷效。

嘉魚 甘溫無毒。發明 此魚食乳水。功用同乳食之。令人肥健悅澤。腎虛消渴。勞瘦虛損者。食之最宜。

鯢魚 此魚骨柔肉脆。能益胃氣。食之令人肥健。腹中子性寒有毒。多食令人痢下。

鯽魚 甘溫無毒。烏背者其味最美。以其居濁水中。雖肥不無小毒。然此恒用食品。未嘗見其有毒傷人。發明

諸魚性動屬火。惟鯽魚屬土。有調胃實腸之功。故有反厚朴之戒。以厚朴泄胃氣。鯽魚益胃氣。故大明言溫中下氣。保昇言止痢厚腸。皆言其補益之功也。生搗塗瘰核乳癰堅腫。以猪脂煎反服。治腸癰。合赤小豆煮汁。食消水腫。炙油調塗婦人陰瘡。同白礬燒研。治腸痔血痢。入綠礬泥固煨。治反胃吐食。與胡蒜煨。治膈氣痞滿。凡煨俱不可去鱗。以鱗有止血之功也。

石斑魚 有毒。發明 石斑魚生南方溪澗水石處。長數寸。大不過尺餘。有雌無雄。二三月與蜥蜴交。合水上。其子毒。令人吐瀉。醫說云。用魚尾草汁少許解之。

鱠殘魚 俗名 甘平無毒。發明 鱠殘出蘇松浙江。大者不過三四寸。身圓無鱗。潔白如銀。小者尤勝。鮮食最美。

曝乾亦佳。作羹食之。寬中健胃。而無油膩傷中之患。

海粉 鹹寒無毒。發明 海粉色碧微鹹。專行肝腎。云是海中介屬。得東南水土之氣而成。與蜂之釀蜜無異。土

人採得而貨之。以供食品。能散癰瘤。解毒熱。但性寒滑。脾胃虛人勿食。

燕窩 甘平無毒。發明 鳥卸海粉作窩。得風日陽和之氣。化鹹寒為甘平。能使金水相生。腎氣上滋於肺。而胃

氣亦得以安。食品中之最馴良者。惜乎本草不收。方書罕用。令人以之謂補虛勞。咳吐紅痰。每兼冰糖煮食。往往獲

效。然惟病勢初淺者為宜。若陰火方盛。血逆上奔。雖用無濟。以其幽柔無剛毅之力耳。

鱸魚 甘平小毒。發明 鱸魚鬆脆。與石首魚相類。補五藏。益筋骨。和腸胃。治水氣。多食宜人。作鮓尤良。

鰕魚 甘平小毒。發明 鰕性疎利。有補虛益胃。去腹內惡血小蟲之功。醫說有邵氏女年十八。病勞瘵累年。偶

食鰕魚羹。遂愈。正與補勞益胃殺蟲之說相符。膽治骨鯁及竹木刺入咽喉。不拘大人小兒。或入腹刺痛。服之皆出。